



PROMOSAUN REJIME KARREIRA JERÁL IHA FUNSAUN PÚBLIKA 2023

Kategoria Tékniku Administrativu Grau E

Komisaun Funsau Públika, ho baze ba Dekretu-Lei n.º 5/2019, lora 27 fulan-Marsu, alterasaun husi Dekretu-Lei n.º 1/2018, lora-24 fulan-Janeiru, kona-ba Rejime Promosaun ba Pesoál iha Karreira sira Administrasaun Públika nian no Dekretu-lei n.º 22/2011, lora 8 fulan-Juñu kona-ba Rejimi ba Konkursu, Rekrutamentu, Selesaun no Promosaun Pesoál iha Administrasaun Públika, nune'e mós ho konsiderasaun ba Orientasaun n.º 21/CFP/2019, ne'ebé aprova regra adisionál sira ba prosesu promosaun pesoál iha karreira Administrasaun Públika nian, Deliberaun n.º 85/2019/CFP, ne'ebé altera Deliberaun n.º 67/2018 (Interpretasaun ba Kritériu sira Promosaun Pesoál iha Funsau Públika no Deliberaun n.º 76/2018/CFP, ne'ebé aprova kompozisaun prova eskrita eletrónika ba promosaun pesoál iha Funsau Públika, **Deliberação nº 173/2020/CFP, 2 de outubro, komplementa regras konabá indicadores testus ba ezame lian ofisial sira** determina hodi loke avizu ba konkursu internu promosaun pesoál ba **Kategoria Tékniku Administrativu Grau E**, ho rekizitu no kondisaun sira mak hanesan tuir mai-ne'e:

Númeru Referéncia: <i>Promoção Regime Geral PRG/5/2023</i>	
Kategoria Tékniku Administrativu - Grau E Regime Kareira Jeral	Saláriu Baze: US\$ 204/kada fulan
Númeru vaga: 146 = 10% husi total funsionáriu públiku regime jeral grau F ne'ebé habilitadu ba promosaun	Tipu konkursu: Promosaun grau ho méritu
Métodu selesaun ho karakter: Somatóriu total pontuasaun husi kondisaun no kritériu sira kandidatu nian ho rezultadu teste eskritu eletróniku	Relata ba: Superior ierárkiku instituisaun ida-idak nian

A. Konteúdu Funsional Kategoria Tékniku Administrativu Grau E (Decreto-Lei nú.24/2016 de 29 Junho)

Funsau hirak ho natureza exekutiva, ne'ebé enkuadra tuir instrusaun jeral no prosedimentu hirak ne'ebé halo ona ho lo-los, ho grau kompleksidade lós, relativa ho área atividade

administrativa ida eh liu, dezignadamente kontabilidade, pessoal, ekonomatu no patrimóniu, sekretária, arkivu, expediente no dijitasau.

B. Rekizitu sira

a. Rekizitu prinsipál sira ba elejibilidade

1. Permanénsia iha grau ikus mínimu tinan ha'at (4);
2. Lahetan kualkér pena dixiplinár iha tinan tolu (3) ikus tuir desizaun husi KFP;
3. Tenke iha avaliasaun dezempeñu tinan ikus 2021 no labele inferiór (ki'ik liu) husi "Bom"; halo husi entidade sira ne'ebé kompetente tuir lei;
4. Kandidatu hirak ne'ebé goza ona lisensa especial laho vencimento (eis membru do Governo, Membru Parlamento Nacional, Dirijente Agencia Autónoma Direta no Indireta Estado) bainhira reintegra fila fali ona bá iha nia postu servisu atuál, sei hetan avaliasaun dezempeñu automatiku ho klasifikasaun "muito-bom" durante período lisensa. Nune'e kandidatu sira ne'e konsidera elejivel ba konkursu promosaun nian;
5. Funsionáriu Públiku ne'ebé goza hela lisensa laho vensimentu eh ho vensimentu, la-elejivel ba konkursu promosaun, ho exesaun sé kandidatu ne'e reintegra fali ona ba servisu ho despaxu CFP nian molok emisaun lista elejibilidade kandidatura husi Painel Juri.

b. Rekizitu seluk ba atribuisaun pontuasaun promosaun nian

1. Abilitasaun literária/akadémika ikus ida ne'ebé a'as liu;
2. Lokál servisu (Munisípiu Dili/Estranjeiru, Munisípiu sira seluk, no área remota, muito remota no extremamente remota);
3. Okupante kargu diresaun eh xefia mínimu asumi tinan-rua (2);
4. Avaliasaun dezempeñu tinan haat (4) ikus (2018, 2019, 2020 no 2021);
5. Sertifikadu formasaun profisionál ne'ebé hetan durante permanénsia iha grau, mínimu 2, ne'ebé iha vantajen liu ba kandidatu ho durasaun 40 horas ba leten. Se la iha 40 horas, bele mós sertifikadu ho durasaun menus husi 40 horas;
6. Demonstra domínio iha lian-ofisiál sira Tétun no Portugés liuhosi teste eskritu eletróniku promosaun nian;
7. Iha kuñesimentu jerál ba matéria sira Administrasaun Públika, Administrasaun no Finansas, Konstituisaun RDTL, Lejislasaun Funsau Públika, Istória Nasionál no Inkluzau Sosiál ne'ebé relevante ba konteúdu funsionál grau ne'e nian no prova hosi rezultadu teste eskritu eletróniku promosaun.

C. Kompozisaun júri

Membru Painel Júri ba kandidatu sira husi kategoria Asistente Grau F ba Tékniku Administrativu Grau E, ne'ebé konstitui ho baze ba **Despaxu n.º 12336/2023/PCFP, 27 Setembru**, kompostu husi membru sira hanesan tuir mai-ne'e:

be

1	Sr. Fernando Carvalho da Cruz	Presidente Júri
2	Sr. Tito Rogerio	Vogal Júri
3	Sra. Arlinda Maria do R. de F. F. Miranda	Vogal Júri
4	Sra. Zelia Fernandes	Vogal Júri
5	Sr. Fernando Mouzinho Gama	Vogal Júri

D. Konteudu Prova eskrita

Kompozisaun materia teste eskritu eletróniku promosaun bazeia ba Deliberaun No. 76/2018/CFP, **Deliberação nº 173/2020/CFP, 2 de outubro, komplementa regras konabá indikadores testus ba ezame lian ofisial sira** ne'ebé aprova kompozisaun prova eskrita ba promosaun pesoál iha Funsau Públika:

a. Matéria kuñesimentu jeral sira ba teste eskritu eletróniku promosaun:

1. Administrasaun Públika;
2. Administrasaun no Finansas;
3. Konstituisaun RDTL, Lejislasaun Funsau Públika, Historia Nasional no Inkluzau Sosial

b. Matéria habilidade língua sira ba teste eskritu eletróniku promosaun:

1. Lian-Tétun;
2. Lian-Portugés.


E. Sistema Klasifikasaun Finál

Klasifikasaun finál rezulta hosi somatóriu aritmética simplés ba kondisaun no kritériu ida-idak ne'ebé determina husi Dekretu-Lei n.º 5/2019, lora 27 fulan-Marsu, alterasaun husi Dekretu-Lei n.º 1/2018, lora-24 fulan-Janeiru, kona-ba Rejime Promosaun ba Pesoál iha Karreira sira Administrasaun Públika nian nomós rezultadu teste eskritu eletróniku.

Eskala pontuasaun abranje husi 0 to'o 400, kompostu husi kondisaun no kritériu sira ne'ebé temi iha rekizitu iha pontu a no b iha leten ho total pontuasaun 180 no rezultadu teste eskritu eletróniku promosaun ho total pontuasaun 220, kompostu husi: língua Tetum 20 pontus, língua Portugés 20 pontus no kuñesimentu jeral 180 pontus.

Rezultadu klasifikasaun finál ba kandidatu ne'ebé hetan promosaun, sei foti hosi nota finál kandidatu nian ne'ebé ho klasifikasaun a'as liu tun tutuir malu to'o limite vaga 10% hosi total funsionáriu grau F.

F. Períudu Publikasaun

Lista Eljibilidade Kandidatura Teste Eskritu Eletróniku Promosaun publika iha lora 23 to'o lora 27 fulan outubro 2023. 

G. Rekursu

Ba kandidatu sira ne'ebé la satisfeitu ho lista kandidatura elijivel publikadu no rezultadu promosaun, bainhira nesesariu hakarak ható'o reklamasau/rekursu, bele diriji karta ba Prezidente Júri iha Edifício Comissão Função Pública Dili-Timor-Leste, tuir periúdu ne'ebé determina nanis ona tuir Lei. Rekursu bele ható'o liu husi faze prosesu promosaun rua hanesan tuir mai ne'e:

1. Rekursu ba lista elijibilidade kandidatura teste eskritu eletróniku promosaun, durante loron 5, hahú husi data 23 to'o 27 outubro 2023.
2. Rekursu ba rezultadu final kandidatu promovidu promosaun por méritu durante loron 5 hahú husi loron anúnsiu lista kandidatu promovidu.

H. Afiksasaun Resultadu

Lista elijibilidade kandidatura ho rezultadu final promosaun, sei envia ba Instituisaun Estadu sira iha nivel Nasional, Municipio sira no RAEOA hodi bele taka sai iha quadru avizu ka liu husi meius eletróniku sira.

Dili, 19/10/2023


Fernando Carvalho da Cruz
Prezidente Júri